

AUGLÝSING

187

23. nóv.

um blöndun á íslenzku smjöri í smjörlíki.

Samkvæmt reglum frá 26. september 1935, um blöndun á íslenzku smjöri í smjörlíki, skal frá þessum degi allt smjörlíki, sem framleitt er hér á landi, innihalda 5% af íslenzku smjöri, svo og erlent smjörlíki, sem flutt kann að verða til landsins.

Jafnframt fellur úr gildi auglýsing frá 29. apríl 1940, um blöndun smjörs í smjörlíki.

Atvinnu- og samgöngumálaráðuneytið, 23. nóvember 1940.

Hermann Jónasson.

Páll Pálmason.

Staðfesting ráðuneytis Íslands á skipulagsskrá fyrir „Eftirlauna- og styrktarsjóð lyfjafræðinga“, útgefin á venjulegan hátt 28. nóvember 1940 af dóms- og kirkjumálaráðherra. 188 28. nóv.

Skipulagsskráin er þannig:

SKIPULAGSSKRÁ

fyrir Eftirlauna- og styrktarsjóð lyfjafræðinga.

1. gr.

Tilgangur sjóðsins er: 1) að veita lyfjafræðingum eftirlaun, er þeir hætta störfum vegna elli eða eru frá störfum án launa vegna veikinda, 2) að veita efnalitlum ekkjum og börnum lyfjafræðinga árlegan fjárstyrk og 3) að styrkja efnilega lyfjafræðinga til framhaldsnáms og vísindastarfa.

2. gr.

Rétt til að gerast meðlimir í styrktarsjóði lyfjafræðinga, hafa allir þeir, er lokið hafa fyrri hluta lyfjafræðiprófs og eru meðlimir í Lyfjafræðingafélagi Íslands. Skulu þeir, sem óska að gerast meðlimir sjóðsins, senda skriflega inntökubeiðni ásamt yfirlýsingu um, að þeir skuldbindi sig til að hlíta reglum og samþykktum, sem sjóðurinn starfar eftir á hverjum tíma.

Óski meðlimur sjóðsins að segja sig úr honum og losna undan skuldbindingum sínum við hann, skal hann tilkynna sjóðstjórn það bréflega, og losnar hann þá við greiðsluskyldu sína og aðrar skuldbindingar, sem sjóðsmeðlimur, sex mánuðum eftir að úrsögnin barst í hendur stjórnarinnar. Greidd iðgjöld eru ekki afturkræf.

3. gr.

Sjóðnum skal afla tekna sem hér segir:

1. Meðlimir sjóðsins greiði honum mánaðarlega (1%) af launum sínum. Tillag þetta greiðist aðeins af launum meðlima sjóðsins vegna starfa þeirra sem lyfjafræðinga. Skal það reiknað út og greitt mánaðarlega eftir á. Er stjórn sjóðsins heimilt að krefja tillag þetta hjá þeim atvinnurekanda, sem greiða á viðkomandi sjóðsmeðlim laun, og hafi stjórnin tilkynnt atvinnurekanda, að hún óski eftir, að tillagið sé greitt af launum starfsmannsins beint til sjóðsins, þá er launþega óheimilt að veita viðtöku þeim hluta launa sinna, sem þarf til að greiða tillagið.

- 188 2. Aukagjöld fyrir næturafgreiðslu í lyfjabúðum, að svo miklu leyti sem heimilað
28. nóv. er af ríkisstjórninni.
3. Gjafir og styrkir og annað, sem sjóðnum kann að berast.
4. Vextir af eignum sjóðsins skulu lagðir við höfuðstól hans.

4. gr.

Eignir sjóðsins skulu geymdar í banka, sem ríkisábyrgðar nýtur fyrir spari-
fjárinnstæðum, eða ávaxtaðar í skuldabréfum, sem út eru gefin af ríkinu, veðdeild
Landsbanka Íslands eða tryggð eru með ábyrgð ríkissjóðs.

5. gr.

Stjórn sjóðsins skal skipuð 3 mönnum, kosnum til 5 ára, sem hér segir: 2 skulu
kosnir við almenna skriflega kosningu allra sjóðsmeðlima, en hinn 3. skal tilnefndur
af heilbrigðisstjórn. Skipun sjóðstjórnar skal fara fram strax eftir að samþykkt
þessi hefir verið staðfest, og sér Lyffræðingafélag Íslands um þá kosningu, en síðar
annast fráfarandi stjórn hverju sinni um hina almennu kosningu.

Stjórnin skiptir sjálf með sér verkum.

6. gr.

Aðalfund skal stjórn sjóðsins halda einu sinni á ári hverju, í janúarmánuði.
Til fundarins skal boða með tilkynningu í útvarpi, auglýsingu í blöðum, bréflega
til meðlima sjóðsins eða á annan hátt, sem treysta má, að allir meðlimir fái nægilega
snemma vitneskju um, hvar og hvenær fundurinn skuli haldinn.

Á aðalfundi skulu kosnir endurskoðendur sjóðsins. Skulu þeir vera 2 og annar
þeirra löggiltur endurskoðandi, nema fundurinn telji slíkt of kostnaðarsamt fyrir
sjóðinn. Skal gerð ályktun um það hverju sinni, ef hvorugur endurskoðandi á að
vera löggiltur.

Á aðalfundi skal leggja fram endurskoðaða reikninga sjóðsins frá næsta ári á
undan, og skal fundurinn taka afstöðu til reikninganna. Á fundinum skal stjórnin
gefa skýrslu um starf sjóðsins á undanfögnu ári.

7. gr.

Stjórnin hefir í sínum vörzlum eignir sjóðsins og sér um, að þær séu ávaxt-
aðar og geymdar samkvæmt samþykkt þessari. Hún annast og um innheimtu á tekju-
um sjóðsins, úthlutun á styrkjum úr sjóðnum og allan daglegan rekstur og fram-
kvæmdir í sambandi við sjóðinn.

8. gr.

Styrkir úr sjóðnum til meðlima hans, ekkna þeirra eða barna geta verið sem
hér segir:

1. **Ellilaun.** Sérhver meðlimur sjóðsins, 65 ára eða eldri, getur fengið greidd elli-
laun, er hann er 65 ára að aldri, enda sé hann ekki starfandi lyfjafræðingur er
ellilaunin eiga að greiðast.
2. **Veikindastyrkur.** Sérhver meðlimur sjóðsins, sem hefir verið frá störfum vegna
veikinda lengur en tvo mánuði án launa, getur fengið sjúkrastyrk úr sjóðnum.
3. **Ekknastyrkur.** Ekkjur meðlima sjóðsins geta fengið styrk úr sjóðnum. Réttur
til ekknastyrks er háður eftirfarandi takmörkum:
 - a. Hjónaband ekkjunnar og hins látna sjóðsmeðlims má ekki vera stofnað á
meðan maðurinn lá banaleguna, eða á þeim tíma, sem ætla má að maðurinn
hafi vitað að hann gengi með ólæknandi sjúkdóm.
 - b. Hjónaband má ekki vera stofnað eftir að maðurinn varð 50 ára.
 - c. Hjónin mega ekki vera skilin að borði og sæng eða að lögum, er maðurinn lézt.

d. Ekkjan má ekki hafa átt sök á dauða mannsins að álitu dómstólanna. Ekkj- 188
an missir rétt til ekknastyrks ef hún giftist á ný. 28. nóv.

4. **Barnastyrkur.** Börn látins sjóðsmeðlims geta fengið styrk úr sjóðnum þar til þau eru fullra 16 ára að aldri, ef þau hafa erfðarétt eftir hann.
5. **Náms- og vísindastyrkur.** Meðlimir sjóðsins geta fengið styrk til framhaldsnáms og vísindaiðkana í lyfjafræði.

9. gr.

Allar tekjur sjóðsins skulu fyrst um sinn ávaxtaðar og engu af þeim varið til greiðslu styrkja, en þegar aðalfundur álitur, að eignir sjóðsins séu nægilega miklar, getur fundurinn samþykkt að verja allt að þrem fjórðu hlutum af árstekjum sjóðsins til greiðslu styrkja, en að minnsta kosti einum fjórða hluta vaxtanna skal ætíð bætt við höfuðstólinn.

10. gr.

Styrkveitingum skal haga þannig, að þeim einum, sem sótt hafa skriflega um styrk úr sjóðnum fyrir 1. desember árið áður en styrkurinn á að greiðast, geta komið til greina við úthlutun. Skal skipta þeirri upphæð, sem greiðast skal hverju sinni þannig, að $\frac{1}{4}$ þess, sem greitt verður af vöxtunum, skal verða styrkur til náms og vísindaiðkana, en $\frac{3}{4}$ styrkur samkv. öðrum ákvæðum 8. gr. Séu ekki fyrir hendi fullnægjandi umsóknir, sem sjóðstjórn vill verða við, fellur styrkveiting að því leyti niður.

11. gr.

Óheimilt er skuldheimtumönnum styrkþega að gera fjárnám, lögald, lögtak eða nokkurs konar aðför í styrkjum þeim, sem veittir verða úr sjóðnum, og ef styrkþegi deyr, áður en styrkurinn er greiddur honum úr sjóðnum, fellur greiðsluskylda sjóðsins niður, nema sjóðstjórn taki ákvörðun um að greiða erfingjum styrkþega féð.

12. gr.

Leita skal konunglegrar staðfestingar á skipulagsskrá þessari og hún birt í B-deild Stjórnartíðindanna.

G J A L D S K R Á

fyrir rafveitu Akureyrar.

189

29. nóv.

I. Raforka.

Rafveita Akureyrar skal selja raforku á þann hátt og við því verði, sem hér segir:

A. Lýsing.

Þar, sem orkan er aðallega notuð til lýsingar, skal hún seld:

1. Á heimilum má selja um kílóvattstundamæli (um kwst.-mæli) samkvæmt gjaldskrárlið B 2, þótt orkan sé eingöngu notuð til ljósa.
2. Um kwst.-mæli á 60 auru hver kílóvattstund (kwst.).

B. Rafmagn til almennrar heimilisnotkunar.

Þar, sem orkan er aðallega notuð til suðu eða hitunar í heimilum, má selja hana:

1. Um tvenna mæla, annan til ljósa, hinn til suðu og hitunar. Á ljósamælinn reiknast ljósagjald samkvæmt A 2, en á hinn mælinn á 10 auru. Suðu- og